



МОНГОЛ УЛС
ХОВД АЙМГИЙН ЗАСАГ ДАРГЫН
ЗАХИРАМЖ

2019 оны 01 сарын 14 өдөр

Дугаар А/24

Ховд

Авто тээврийн хэрэгслийн техникийн хяналтын үзлэг зохион байгуулах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2 дахь, Автотээврийн тухай хуулийн 7 дугаар зүйлийн 7.1.1, 7.1.3 дэх, 17 дугаар зүйлийн 17.1, 17.2, 17.3, 17¹.1 дэх, 19 дүгээр зүйлийн 19.1 дэх, Замын хөдөлгөөний аюулгүй байдлын 9 дүгээр зүйлийн 9.4.1, 9.4.3, 9.4.7 дэх, Автотээврийн болон өөрөө явагч хэрэгслийн албан татварын хуулийн 7 дугаар зүйлийн 7.1, 7.2 дахь, Жолоочийн даатгалын тухай хуулийн 5.2-дахь, Засгийн газрын 2016 оны 213 дугаар тогтоолыг тус тус үндэслэн ЗАХИРАМЖЛАХ нь:

1. Автотээврийн хэрэгслийн техникийн хяналтын үзлэг зохион байгуулах ажлын хэсгийн бүрэлдэхүүнийг нэгдүгээр хавсралтаар, сумдын автотээврийн хэрэгсэлд техникийн хяналтын үзлэг зохион байгуулах ажлын удирдамжийг хоёрдугаар хавсралтаар, явуулын техникийн хяналтын үзлэг хийх ажлын хуваарийг гуравдугаар хавсралтаар тус тус баталсугай.

2. Аймгийн хэмжээнд автотээврийн хэрэгслийн техникийн хяналтын үзлэгийг 2019 оны 01 дүгээр сарын 14-ний өдрөөс 2019 оны 12 дугаар сарын 20-ны өдөр хүртэл, бүх төрлийн тээврийн хэрэгслийн 2018 оны татвар төвлөрүүлэлтийг 2019 оны 01 дүгээр сарын 25-ны өдрөөс 2019 оны 06 дугаар сарын 01-ний өдөр хүртэл зохион байгуулж, дүнг хагас бүтэн жилээр Засаг даргын зөвлөлд оруулж танилцуулахыг Ажлын хэсгийн дарга, аймгийн Засаг даргын орлогч /Т.Жаргалсайхан/-д даалгасугай.


3. Үзлэгийн хуваарь, техникийн бүрэн бүтэн байдлыг хангаж оролцох талаар авто тээврийн хэрэгсэл бүхий аж ахуйн нэгж, байгууллага, иргэдэд хэвлэл мэдээллийн хэрэгсэл, албан бичгээр урьдчилан мэдэгдэж, сурталчилж ажиллахыг аймгийн Автотээврийн төв /Н.Ирэхзаяа/, Цагдаагийн газар /Б.Батзаяа/, Татварын хэлтэс /Х.Батцэцэг/, сумдын Засаг дарга нарт тус тус үүрэг болгосугай.

4. Сумдад үзлэг зохион байгуулах салбар ажлын хэсгийг сумын Гэмт хэргээс урьдчилан сэргийлэх ажлын зохицуулах салбар зөвлөл болон татварын улсын байцаагч, цагдаагийн хэсгийн төлөөлөгч, багуудын Засаг дарга нарын бүрэлдэхүүнтэй байгуулан ажиллахыг сумдын Засаг дарга нарт, үзлэгийн хуваарьт хугацаанд авто тээврийн хэрэгсэл бүхий аж ахуйн нэгж, байгууллага, иргэдийн бэлтгэлийг хангуулж бэлэн байлгах, үзлэгийн ажлын хэсгийн бүрэлдэхүүний ажиллах байр, тээврийн хэрэгслийн зогсоол талбай бэлтгэх, цахилгаан эрчим хүчээр хангах, төрийн үйлчилгээ үзүүлэх нөхцөл боломж, нийтийн хэв журам, аюулгүй байдлыг бүрдүүлэн дэмжиж ажиллахыг сумдын салбар ажлын хэсэгт тус тус үүрэг болгоугай.


5. Автотээврийн хэрэгслийн явуулын техникийн хяналтын үзлэгийн үеэр мотоциклыг бүртгэлжүүлэх, улсын дугаар олгох, тээврийн хэрэгсэл эзэмшигчийн өөрчлөлт хийх, тээврийн хэрэгслийн гэрчилгээг солих, ашиглах боломжгүй болсон тээврийн хэрэгслийг улсын бүртгэлээс хасах, Автотээврийн тухай болон Замын хөдөлгөөний аюулгүй байдлын тухай хууль, тогтоомжийг сурталчлан таниулах ажлыг үр дүнтэй зохион байгуулахыг Ажлын хэсгийн нарийн бичгийн дарга, Автотээврийн төвийн дарга /Н.Ирэхзаяа/-д үүрэг болгосугай.

6. Захирамжийн хэрэгжилтэд хяналт тавьж, мэдээллээр тогтмол хангаж ажиллахыг Ажлын хэсгийн дарга, аймгийн Засаг даргын орлогч /Т.Жаргалсайхан/-д даалгасугай.

ЗАСАГ ДАРГА



Б.ДҮГЭРЖАВ



Аймгийн Засаг даргын 2019 оны 01 дүгээр
сарын 14-ний өдрийн А/24 дүгээр
захирамжийн 1 дүгээр хавсралт

АВТОТЭЭВРИЙН ХЭРЭГСЛИЙН ХЯНАЛТЫН ҮЗЛЭГ
ЗОХИОН БАЙГУУЛАХ АЖЛЫН ХЭСГИЙН БҮРЭЛДЭХҮҮН

Ажлын хэсгийн дарга:

Т.Жаргалсайхан - Аймгийн Засаг даргын орлогч

Гишүүдэд:

Ц.Ганданповрон - Жаргалант сумын Засаг дарга
Б.Батзаяа - Цагдаагийн газрын дарга, Цагдаагийн хурандаа
Н.Балжинням - Тээврийн цагдаагийн албаны тасгийн дарга,
цагдаагийн хошууч
Х.Батцэцэг - Аймгийн Татварын хэлтсийн дарга
А.Жамъянсүрэн - Мэргэжлийн хяналтын газрын хэлтсийн дарга,
улсын ахлах байцаагч
Ц.Лхагважав - Аймгийн Автотээврийн төвийн
Тээвэр зохицуулалт, хяналт хариуцсан мэргэжилтэн,
улсын байцаагч, зөвлөх инженер
Х.Цагаанцоож - Автотээврийн хяналтын улсын байцаагч
Д.Чинзориг - Автотээврийн хяналтын улсын байцаагч
Д.Балт - Техникийн хяналтын үзлэгийн мэргэшсэн
инженер
Б.Нямдорж - Бүртгэлийн мэргэжилтэн
Г.Оюунчимэг - Техникийн хяналтын үзлэгийн техникч
- Сумдын Засаг дарга нар
- Сумдын Цагдаагийн хэсгийн төлөөлөгч, цагдаа
- Сумдын Татварын улсын байцаагч нар
Б.Очирбат - Албан журмын даатгагчдын холбооны
Ховд дахь салбарын менежер

Нарийн бичгийн дарга:

Н.Ирэхзаяа - Аймгийн Автотээврийн төвийн дарга

Аймгийн Засаг даргын 2019 оны 01 дүгээр
сарын 14-ний өдрийн А/24 дүгээр
захирамжийн 2 дугаар хавсралт

**ХОВД АЙМГИЙН СУМДЫН 2019 ОНЫ ТЭЭВРИЙН ХЭРЭГСЛИЙН
ТЕХНИКИЙН ХЯНАЛТЫН ҮЗЛЭГ ЗОХИОН БАЙГУУЛАХ АЖЛЫН
УДИРДАМЖ**

Нэг. Техникийн хяналтын үзлэгийн зорилго

1.1. Монгол улсын Автотээврийн тухай болон Замын хөдөлгөөний аюулгүй байдлын тухай, Автотээврийн болон өөрөө явагч хэрэгслийн албан татварын тухай, Жолоочийн даатгалын тухай хууль болон холбогдох дүрэм журам, стандартыг хангуулах, аймгийн нутаг дэвсгэрт ашиглагдаж байгаа автотээврийн хэрэгслийн техникийн байдал, хэрэглээний стандартын үзүүлэлтийг хангуулах, автотээврийн хэрэгслээс хүн амын эрүүл мэнд, хүрээлэн буй орчинд үзүүлэх сөрөг үр дагаврыг бууруулах, замын хөдөлгөөний аюулгүй байдлыг хангах нөхцөлийг бүрдүүлэхэд оршино.

Хоёр. Техникийн хяналтын үзлэг хамтран зохион байгуулах байгууллага, хамрах хүрээ

2.1. Аймгийн Засаг даргын Тамгын газрын ХОХБТ-ийн хэлтэс, Автотээврийн төв, Цагдаагийн газар, Тээврийн цагдаагийн тасаг, Мэргэжлийн хяналтын газар, Татварын хэлтэс, Албан журмын даатгагчдын холбооны салбар, нийт сум, багийн Засаг дарга хамтран төлөвлөгөөт хугацаанд чанартай хийж гүйцэтгэнэ.

2.2. Аймгийн хэмжээний авто тээврийн хэрэгсэл бүхий аж ахуйн нэгж, байгууллага, иргэд бүрэн хамрагдана.

Гурав. Техникийн хяналтын үзлэг зохион байгуулах үе шат, хийх ажил

3.1. Авто тээврийн хэрэгсэл бүхий аж ахуйн нэгж, байгууллага, иргэд техникийн бүрэн байдлын хангаж, үзлэгт бүрэн хамруулах.

3.2. Автотээврийн хэрэгслийн өмчлөгч нь АТБӨЯХ-ийн албан татвар, агаарын бохирдлын хураамж төлөгдсөн, жолоочийн хариуцлагын даатгалд хамрагдсаныг үндэслэн автотээврийн хэрэгслийг техникийн хяналтын үзлэгт оруулна.

3.3. Засгийн газрын шийдвэрээр батлагдсан техникийн хяналтын үзлэг явуулах хугацаа, төлбөрийн жишгийг үйл ажиллагаандаа баримтлана

3.4. Техникийн хяналтын үзлэгийн үед автотээврийн хэрэгслийн марк, модель, улсын дугаар, арал, бүхээг, хөдөлгүүрийн дугаар, өнгө, төрөл, зориулалт, өмчлөгчийн хаяг зэрэг бүртгэлийн үзүүлэлтийг автотээврийн хэрэгслийн гэрчилгээтэй нь нэг бүрчлэн тулгах бөгөөд автотээврийн хэрэгсэлд зайлшгүй шаардагдах нэмэлт хэрэгслийг /галын хор, ослын зогсолтын тэмдэг, эмийн сан г.м./ шалгана.

3.5. Тусгай зориулалтын автотээврийн хэрэгслийн /автокран/ ачаа өргөх төхөөрөмжийн техникийн байдлыг мэргэжлийн эрх бүхий байгууллагаар шалгаж баталгаажуулсан дүгнэлтийг үндэслэн техникийн хяналтын үзлэгт хамруулна.

3.6. Нийтийн тээврийн үйлчилгээнд ашиглаж байгаа автотээврийн хэрэгслийг зөвхөн техникийн хяналтын үзлэгийн суурин төвд техникийн хяналтын үзлэгт хамруулна.

3.7. Техникийн хяналтын үзлэгийн инженер нь хяналтын үзлэгт хамрагдсан автотээврийн хэрэгслийн өмчлөгч, эзэмшигч нарт тухайн автотээврийн хэрэгслийн техникийн байдлын талаар мэргэжлийн зөвлөгөө, зааварчилгааг өгнө.

3.8. Стандартын шаардлага хангаагүй автотээврийн хэрэгсэлд болон автотээврийн хэрэгслийг үзлэгт хамруулахгүйгээр техникийн хяналтын үзлэгт тэнцүүлэн дүгнэлт гаргахыг хориглоно.

3.9. Техникийн хяналтын үзлэгт хамрагдсан автотээврийн хэрэгслийн мэдээллийг автотээврийн асуудал хариуцсан төрийн захиргааны төв байгууллага болон автотээврийн хэрэгслийн бүртгэл мэдээллийн цахим санд тухай бүрт нь оруулж, сүлжээгээр хүргүүлнэ.

3.10. Үзлэг зохион байгуулах сумдын салбар ажлын хэсгийг сумын Гэмт хэргээс урьдчилан сэргийлэх ажлын зохицуулах зөвлөл, татварын улсын байцаагч, цагдаагийн хэсгийн төлөөлөгч, багуудын Засаг дарга нарын бүрэлдэхүүнтэй байгуулж, үзлэгийн хуваарьт хугацаанд авто тээврийн хэрэгсэл бүхий аж ахуйн нэгж, байгууллага, иргэдийн бэлтгэлийг хангуулж бэлэн байлгах.

3.11. Сумдын салбар ажлын хэсэг явуулын техникийн үзлэг хийх үеийн тээврийн хэрэгслийн зогсох талбай, зогсоолын зурвас татах, цахилгаан эрчим хүчээр хангах, томилолтоор ажиллах бүрэлдэхүүний ажиллах, амрах байр бэлтгэх, амралтын өдрөөр холбогдох төрийн байгууллага, албан хаагчдийг ажиллуулах, сумын Төрийн банкны салбарын үйлчилгээг иргэдэд хүргэх ажлыг зохион байгуулна.

3.12. Орон нутагт техникийн хяналтын үзлэг явуулах хуваарь, мэдээллийг хэвлэл, мэдээлийн бүх сувгийг ашиглан тогтмол сурталчилж, техникийн стандартын шаардлага хангахгүй тээврийн хэрэгслийн зөрчлийг арилгуулах,

3.13. Техникийн хяналтын үзлэгт хугацаанд хамруулаагүй аж ахуйн нэгж, байгууллага, иргэдэд мэдэгдэл өгөх, шаардах хуудас, улсын байцаагчийн албан шаардлага өгч, хуулийн хариуцлага тооцож ажиллах. Мөн харъяа сумынхаа бүртгэлтэй тээврийн хэрэгслийн 75-аас доош хувийг үзлэгт оруулсан сумын Засаг даргатай хуулийн хариуцлага тооцож, давтан үзлэг зохион байгуулах зардлыг төлүүлэх арга хэмжээ авна.

3.14. Тээврийн хэрэгслийн техникийн хяналтын үзлэг, АТБӨЯХ-ийн албан татварын төвлөрүүлэлтийг дүн мэдээг сум, баг бүрээр гаргаж, үнэлгээ өгч аймгийн Засаг даргын зөвлөлд танилцуулна.

Аймгийн Засаг даргын 2019 оны 01 дүгээр сарын 14-ний өдрийн А/24 дүгээр захирамжийн 3 дугаар хавсралт

ХОВД АЙМГИЙН СУМДАД 2019 ОНЫ ТЭЭВРИЙН ХЭРЭГСЛИЙН ЯВУУЛЫН ТЕХНИКИЙН ХЯНАЛТЫН ҮЗЛЭГ ХИЙХ АЖЛЫН ХУВААРЬ

д/д	Сум, багийн нэр	Томилолтоор ажиллах бүрэлдэхүүн	Бүртгэлтэй тээврийн хэрэгслийн тоо	Мотоциклын тоо	Ажлын хоног	Ажиллах огноо
1	Манхан сум	Техникийн хяналтын үзлэгийн инженер -1, техникч -1, бүртгэлийн мэргэжилтэн -1, Автотээврийн хяналтын улсын байцаагч -1	693	99	2	04.29-04.30
2	Алтай сум		463	18	2	05.01-05.02
3	Булган сум		1697	47	6	05.03-05.08
4	Үенч сум		505	28	2	05.09-05.10
5	Үенч сум, Гаалийн хяналтын талбай		-	-	2	05.11-05.12
6	Мөст сум, Баянхайрхан баг		550	6	1	05.13
7	Мөст сум				2	05.14-05.15
8	Цэцэг сум		501	2	2	05.16-05.17
9	Хөшөөтийн уурхай				3	05.18-05.20
10	Дарви сум		445	2	2	05.21-05.22
11	Зэрэг сум		437	7	2	05.23-05.24
12	Мөнххайрхан сум		229	9	2	05.27-05.28
13	Чандмань сум		427	6	2	05.29-05.30
14	Дөргөн сум		419	46	2	06.02-06.03
15	Мянгад сум		484	189	2	06.04-06.05
16	Буянт сум, Нарийн гол баг		785	293	1	06.06
17	Буянт сум				2	06.07-06.08
18	Ховд сум		881	298	2	06.09-06.10

19	Ховд сум, Улаан бураа баг				1	06.11
20	Эрдэнэбүрэн сум		417	58	2	06.12-06.13
21	Дуут сум		270	52	2	06.14-06.15
22	Жаргалант сум	Суурин	9199	363		01.14-12.20
	Сумдын ДҮН		9203	1160	44	
	НИЙТ ДҮН		18402	1523		

-oOo-